

U P U T S T V O
za vođenje evidencija o razmijenjenim količinama poštanskih pošiljaka u
međuooperatorskom prometu

Član 1.
(Predmet Uputstva)

Ovim Uputstvom definiše se: vođenje evidencija (tablela 1A i 1B), sačinjavanje manipulativnih isprava i postupak sa pogrešno usmjerenim pošiljkama, u međuooperatorskoj razmjeni poštanskih pošiljaka.

Član 2.
(Otprema - sačinjavanje manipulativnih isprava)

(1) Spisak razmjene

JPO (A) priprema zaključak tako da u poseban svežanj ili više svežnjeva uvezuje pošiljke po vrstama koje ne podliježu plaćanju troškova završne faze (returisane pošiljke, službene pošiljke, plaćeni odgovor IBRS, poštanske novčane uputnice i povratnice), zatim na svežanj stavlja svežanjsku nazivnicu sa oznakom „retour” i upisanom težinom svežnja. Ako ima više svežnjeva sačinjava zbirnu svežanjsku nazivnicu na kojoj upisuje u vidu razlomka broj svežnjeva kroz ukupnu težinu „retour” pošiljaka.

Zatim pakuje pošiljke po vrstama koje podliježu plaćanju troškova završne faze u jedan svežanj i na njega stavlja Svežanjsku nazivnicu na kojoj ispisuje težinu tih pošiljaka, odnosno u više svežnjeva, ukoliko ima više pošiljaka, i na jedan od njih stavlja zbirnu Svežanjsku nazivnicu na kojoj ispisuje ukupnu težinu pošiljaka u svežnjevima.

U Spisku razmjene u koloni napomena upisuje se težina pošiljaka u zaključku, izražena u kilogramima, u vidu razlomka tako da brojilac označava stvarnu težinu svih pošiljaka u zaključku, a imenilac težinu pošiljaka u zaključku za koje se plaćaju troškovi završne faze.

Primjer: težina zaključka je 25/22

25 je ukupna težina zaključka, a 22 je težina pošiljaka za koje se plaćaju troškovi završne faze i ovaj podatak se upisuje u tabelu 1A.

(2) Karta zaključka

JPO (A) kartuje brojno ili pojedinačno knjižene poštanske pošiljke, a u koloni napomena brojno kartuje sve pošiljke po vrstama, u vidu razlomka tako da brojilac označava, po vrstama ukupan broj knjiženih pošiljaka u zaključku, a imenilac broj pošiljaka za koje se plaćaju troškovi završne faze.

Primjer kartovanja preporučenih pošiljaka brojno: R110/100

110 je ukupan broj preporučenih pošiljaka u zaključku, a 100 je broj pošiljaka za koje se po komadu plaćaju troškovi završne faze i ovaj podatak se upisuje u tabelu 1A.

(3) Otpremanje zaključka

JPO (A) zatvara vreću/e i zaključak prvom kartovnom vezom otprema JPO-u (B).

Član 3.
(Prispjeće –sravnjenje manipulativnih isprava)

(1) Sravnjenje Spiska razmjene

JPO (B) po preuzimanju zaključka od JPO-a (A) otvara vreće i sravnjava težine upisane u Spisku razmjene (25/22). Ako je sve u redu u tabelu 1B upisuje broj 22, težinu pošiljaka koje podliježu naplati troškova završne faze.

Izuzetno ako u svežnjevima ove težine (22) pronađe pogrešno usmjerene pošiljke (obične i/ili knjižene), izdvojiće pogrešno usmjerene pošiljke, uvezati ih u svežanj/eve te na Svežanjsku nazivnicu ispisati tekst „pogrešno usmjerene” zatim izvagati svežanj/eve i

ustanoviti da je težina pogrešno usmjerenih pošiljaka npr. 1 kg. Upisaće težinu svežnja na Svežanjsku nazivnici.

Na osnovu utvrđene težine pogrešno usmjerenih pošiljaka izvršiće ispravku težine u koloni napomena na prispjelim Spisku razmjene tako što će crvenom olovkom prekriti upisanu težinu 25/22 i takođe crvenom olovkom upisati 25/21. Ova težina (21) je težina za koju će naplatiti troškove završne faze i u tabelu 1B istu će upisati.

(2) Svravanje Karte zaključka

JPO (B) će po otvaranju zaključka izvršiti svravanje Karte zaključka sa prispjelim kartovanim pošiljkama u zaključku po vrstama. Ako utvrdi da su uneseni podaci tačni i da mu je stvarno prispjelo 100 komada preporučених pošiljaka, taj broj 100 će upisati u tabelu 1B.

Izuzetno ako ustanovi da u ovih 100 pošiljaka ima 10 pogrešno usmjerenih pošiljaka izvršiće ispravku na karti u koloni napomena tako što će broj R =110/100 prekriti crvenom olovkom i upisati R=110/90 takođe crvenom olovkom i ovaj broj 90 upisati će u tabelu 1B.

(3) Odjava o neispravnosti

a) U mjesecima kad se ne obavlja snimanje, JPO (B) će nakon što je u skladu sa stavom (1) i (2) ovog člana ustanovio da su mu prispjele pogrešno usmjerene pošiljke, prema JPO-u (A), sačiniti Odjavu o neispravnosti sa sljedećim tekstom:

Dana xx. xx. 201x godine od JPO-a (A) u zaključku „S“, „z“ i „P“ prispjelo:
Pogrešno usmjerenih pošiljaka u „S“ zaključku ukupne težine1 kg
Od toga: Preporučених pošiljaka.....10 kom
Vrijednosnih pisama.....x kom
EMS pošiljaka.....x kom
Pogrešno usmjerenih pošiljaka u „z“ zaključku.....x kg
Pogrešno usmjerenih pošiljaka u „P“ zaključku.....x kom

b) U mjesecima kad se obavlja snimanje, JPO (B) će nakon što je u skladu sa stavom (1) i (2) ovog člana ustanovio da su mu prispjele pogrešno usmjerene pošiljke, prema JPO-u (A), sačinjava Odjavu o neispravnosti sa sledećim tekstom:

Dana xx. hx 201x godine od JPO-a (A) u zaključku „S“, „z“ i „P“ prispjelo Pogrešno usmjerene pošiljke, za koji je sačinjen Dnevni list snimanja za pogrešno usmjerene pošiljke, koji je prilog ove Odjave.

(4) Postupak sa pogrešno usmjerenim pošiljkama

JPO (B) će sa pogrešno usmjerenim pošiljkama postupiti na sljedeći način:

a) Ako pogrešno usmjerene pošiljke pripadaju dostavnom području JPO-a (A), uvezane pogrešno usmjerene pošiljke i kopije ispravljenih manipulativnih isprava iz stava (1) i (2) ovog člana, kao i Odjavu o neispravnosti sačinjenu u skladu sa stavom (3) ovog člana, otpremiti prvom kartovnom vezom JPO-u (A), zajedno sa svojim pošiljkama.

Ukupna težina zaključka koji otprema JPO (B), a koju upisuje u Spisak razmjene, sastojati će se u brojiocu od težine svih pošiljaka u zaključku (retour pošiljaka, nadoslanih pogrešno usmjerenih pošiljaka i pošiljaka za koje plaća troškove završne faze), a u imeniocu od težine pošiljaka za koje plaća troškove završne faze.

Na osnovu prispjelih Odjava o neispravnosti i kopija ispravljenih manipulativnih isprava JPO (A) će izvršiti ispravku u tabeli 1A prema datumu na kopiji ispravljenih manipulativnih isprava

- b) Ako pogrešno usmjerene pošiljke pripadaju dostavnom području JPO-a (C), uvezane pogrešno usmjerene pošiljke iz stava (1) i (2) ovog člana i kopiju Odjave o neispravnosti sačinjenu u skladu sa stavom (3) ovog člana, otpremiti će prvom kartovnom vezom JPO-u (C), zajedno sa svojim pošiljkama.
Težina zaključka koji otprema JPO (B), prema JPO-u (C), a koju upisuje u Spisak razmjene sastojati će se u brojiocu od težine svih pošiljaka u zaključku (retour pošiljaka, nadoslanih pogrešno usmjerenih pošiljaka I pošiljaka za koje plaća troškove završne faze), a u u imeniocu od težine pošiljaka za koje JPO (B) plaća troškove završne faze.
U ovom slučaju JPO (B) prema JPO-u (A) otprema Odjavu o neispravnosti iz stava (3) ovog člana i kopiju ispravljenih manipulativnih isprava iz stavova (1) i (2) ovog člana.
- c) Kad JPO-u (C) prisprije zaključak od JPO-a (B) u kome se nalaze nadoslane pogrešno usmjerene pošiljke porijekla JPO-a (A) i kopija Odjave o neispravnosti obavezan je sa JPO-m (A) usaglasiti tabele 1A i 1B prema datumu na kopiji ispravljenih manipulativnih isprava.

Član 4.

(Popunjavanje tabela 1A i 1B)

- (1) Prilikom otpreme zaključaka JPO popunjava tabelu 1A, a prilikom prispjeca zaključaka popunjava tabelu 1B.
- (2) U tabele se upisuju podaci; težina pošiljaka koje podliježu plaćanju troškova završne faze, sa Spiska razmjene i broj komada pošiljaka koje podliježu plaćanju troškova završne faze sa Karte zaključka, a u skladu sa članom 2. stav (1) i (2) ovog uputstva.
- (3) Tabele se popunjavaju prema štampanom tekst u kolonama na sljedeći način:
- u kolonu 1 upisuje se datum sa Spiska razmjene koji prati zaključak,
 - u kolonu 2 upisuje se težina pošiljaka u zaključku „S” koje podliježu plaćanju troškova završne faze,
 - u koloni 3 upisuje se težina pošiljaka iz zaključka „z” koje podliježu plaćanju troškova završne faze,
 - u koloni 4 upisuje se broj komada preporučenih „R” pošiljaka,
 - u kolonu 5 upisuje se broj komada EMS pošiljaka,
 - u kolonu 6 upisuje se zbir „R” i EMS pošiljaka, ako razmjena EMS pošiljaka nije regulisana međusobnim ugovorima,
 - u kolonu 7 upisuje se broj komada vrijednosnih „V” pisama,
 - u kolonu 8 upisuje se broj komada direktne pošte – DM,
 - u kolonu 9 upisuje se broj komada običnih i vrijednosnih paketa,
 - u koloni 10 upisuje se napomena npr. Odjava o neispravnosti br. xxx.